

詩

說

詩說卷第九

小雅

谷風

習、谷風維風及雨將恐將惧維予與女將安將樂女
轉弃予習、谷風維風及顛將恐將惧寘予于懷將安
將樂棄予如遺習、谷風維山崔嵬無草不死無木不
萎忘我大德思我小怨

谷風之詩二其一為邶風刺夫婦相弃是詩猶夫婦

也其相背背明矣訓詁皆曰東風以理推之東風長
育者也何至不美如此豈山谷之風乎在易山下有
風蠱：陳者也山下之風則物為之撓亂所以為蠱
谷者山趾盤旋處其風常回旋反覆焉此詩之谷風
其此義歟故此詩卒章有維山崔嵬之詞可以見矣
頤亦蠱之意也訓詁之釋頤甚詳且援爾雅為証但
恐爾雅因詩之辭而生此義耳辭豈要有室也其三
章則風之蕩蠱極矣曰無草不死無木不萎言冬風
之肅殺也往鬼陰也本其陰崎而至于相失大德指

恐惧之時舊好不存而罪怨作矣故曰忘我大德思
我小怨記謂君子之接如水小人之接如醴小怨未
必傷大義也未若後世徇利賣友也凡詩章皆自淺
入深好愈深則映愈甚自與至懷自弃至遺至怨類
皆若此序言朋友非止朋友也親姻賓主皆友馬李
曰風俗厚而朋友有信伐木是也風俗薄而朋友道
絕谷風是也習：和兒東風也謂之谷風毛曰風雨
相感朋友相須可以輔仁也類亦如毛訓恐惧患難
之時寔我于懷抱之中不稽忘也安樂之時如遺弃

之物元所記念也崑山巔也王氏曰風之于草木其
養成就之風之德大矣然終不能不萎死則風有所
不能免也孰為此乎天地也天地尚然而况人乎此
說是也蓋天地之大猶有所不足

蓼莪

蓼、者莪匪我伊蒿哀：父母生我劬勞蓼、者莪匪
莪伊蔚哀：父母生我劬勞瘳餅之馨矣維壘之耻鮮民
之生不如死之久矣元父何怙元母何恃出則銜恤入
則靡至父兮生我母兮鞠我拊我畜我長我育我碩我

使我出入腹我欲報之德昊天罔極南山烈烈：飄風發
發民莫不殺我獨何害南山律：飄風弗：民莫不殺
我獨不卒

此詩辭雖易解而旨多窒碍而玩之卒氏所謂孝子
行役喪親之所作似誠有之矣說者囿于終養一語
勉強為說以求合焉豈詩旨乎哉之終、與父母之
生育也今為蒿為蔚夾次三章即為耕鑿之辭王氏
謂譬君民為當鮮民之生謂民生意之寡也喪其父
母欲元生也三四兩章追念其父母甚哀五六兩章

父母皆葬矣故指南山而言報風喻日月迅忽也民
莫不能殺養父母我獨何為有此害乎我獨何為不
死從之于地下乎哀之至也

大東

有錄蓋殮有棘棘七周通如砥其直如矢君子所履小
人所視瞻言頌之潛焉出涕

是詩首末皆以酒食為義詩之名則指東國之諸侯
也殮七為首詞詩人明周家待諸侯之禮歟砥之至
平矢之至直所以礪諸侯之節示御下之情者也若

天下為公之世君子小人皆能得之而无朕焉者也
小東大東杆軸其空糾、葛屨可以履霜桃、公子行
彼周行既往既來使我心疾

賦歆之重供億之困以葛屨而履霜以小子而居朝
列因仍不已詩人所以憂也

有冽沈泉無彼獲新契、寤歎哀我憐人薪是獲薪尚
可載也哀我憐人亦可息也

申言薪是獲言薪已去其本根又浸以垂冷之泉喻
民窮之已甚也薪之汲澗可載民已窮不可求其力

矣薪非可以獲言析薪刈薪可也獲薪即獲稻之獲
農民以伐薪者也是不可沒之物已沒則不可薪載
而弃之而已

東人之子賤勞不來西人之子漿、衣服舟人之子然
燕是裘私人之子百僚是試或以其酒不以其漿
佩璲不以其長維天有漢監亦有光跂彼織女終日七
襄雖則七襄不成報章曉彼牽牛不以服箱東有啟明
西有長庚有栒天畢載施之行維南有箕不可以簸揚
維北有斗不可以挹酒漿維南有箕載翕其舌維北有

斗西柄之揭

東人小東大東也西人周之近畿也然此四者皆以
之斗為緯恐不宜略似若征役下及于子孫華寵溢
被于家僮使一身之勞苦猶可言幼且賤者亦若是
矣詩人之所以重歎也五章言酒與漿之不均况併
漿亦不及哉承上章榮悴之不侔也珮璫承上章百
僚是試之不稱其服也自此以下皆託天象以言當
時諸侯之失職取喻之旨各異首言女牛似若指王
后之失道于織女為詳他之言星者獨織女為有異

緯織女以夜見此以日言與衆妣以庶嫡亂也然中
后而立衆妣也既以終日言織女與六章又曰七衆
曰不成報章似與七人之濁亂朝政如十月之交皇
甫之流也牛星明則王道昌與幽王也啟明長庚鄭
熱之說是已二星在日之旁衆日光之微而見焉若
中臨照天下之時二星安在哉似若與近習之竊弄
也畢之為掩捕烟羅皆取則焉僅布之行列而已七
章箕斗皆以形著啟明長庚之外皆二十八宿之象
皆以秋見于南方河漢當秋而明西方之宿以時著

見有其形有其名無其用者也其當時諸侯失屏翰
之義故詩人極言之三章以前上之窮其力也四章
無以慰服其心矣故託天象以言諸侯之失職異時
犬戎之禍王宣諸侯其失均尔豈但一申侯哉日出
之光照臨下土者也天漢亦有光不足以照臨矣以
夜言建漢以日言織女非與衆如而何

四月

四月維夏六月徂暑先祖匪人胡寧忍于秋日淒淒百
卉具腓亂離瘼矣其其遘時冬日烈烈飄風發兮民莫

不救我獨何害山有嘉卉侯栗侯梅廢為殘賊莫知其
尤相彼泉水載清載濁我日構禍曷云能救滔々江漢
南國之紀盡瘁以仕寧美我有匪鴟匪鳶翰飛戾天匪
鱣匪鱣潛逃于淵山有厥穢隄有杞楨君子作歌維以
告哀

名詩之旨與前正月之義同正月亦建己之月然正
月以繫霜為言四月以維夏為言二詩皆以喪亂為
憂而正月之憂也猶薄四月之憂極矣均幽王之變
小雅也在正月則以平王之將篡而携王之惴獨在

四月則禍亂已極民已不堪也然詩之諱何其不倖也繁霜于初夏災變之忽見禍宜未深也以建巳之月夏令始頒嘗及丹月暑事已極前日方慮其祥暑流金鑠石今遽至于暑氣之已盡猶文武之業如此盛大太平之治如此卑絕曾未几何遽至陽威然後知詩人言禍之深切也故有先祖匪人胡寧忍予之言詩之八章前二句多此興後二句皆有不勝言之情二章秋已凄、而卉木皆病天下皆歸于亂離矣三章寒威已極被害之獨異者以守官之臣不獲與

民庶同也四章嘉卉之若梅栗有嘉寔一止廢黜為
殘為賊不以其罪也五章謂泉水之或清或濁猶有
時而有潔也禍亂日以構扇元時而能清矣六章以
江漢為喻言前日之經紀斯世如此其壯也我盡力
于世豈復能為有無哉七章唯以隱遁為務如庾天
之翼不可繒繳也如潛淵之魚不可鉤餌也卒章乃
有嚴薇杞桋之興莫知其所以為哀之故詩人之旨
殆謂禍亂之極逃避无所寘于深山而仰嚴薇之食
寘于原隰而有杞桋之棲若是則誠可哀矣由是言

之則正月者民庶之被害者淺四月則臣僚之被害也獨深二詩不必同時而作其取義則遠相似也

北山

陟彼北山言采其杞偕士子朝夕從事王事靡盬憂我父母涕天之下莫非王土率土之濱莫非王臣大夫不均我從事獨賢四牡彭彭王事傍傍嘉哉未老鮮我方將旅力方剛經雪四方或燕居息或直事國或息偃在牀或不已于行或不知玆說或慘或勞或棲遑低仰或王事鞅掌或湛樂飲酒或慘或悲或出入

風操或靡事不為

詩名北山而詩肆自陟彼北山之外无餘肆詩皆因
在是也豈以山之向北日月照臨之所遺乎三章以
前以王事自任未至于怨也自此以下二句皆相及
則怨其均矣先聖謂不患寡而患不均在上者不能
任用其臣勞逸皆失其宜怨作矣幽王時不待犬戎
滅周而亂成賢不肖離處忠邪共政失政已久非一
婦人之患也人臣之義不以家事肆王事力所能任
惟快不給者養賢之成效也

無將大車

無將大車祗自塵兮無思百憂祗自底兮無將大車維
塵冥：元思百憂不出于煩無將大車維塵莊兮無思
百憂祗自重兮

易大有九二曰大車以載輔中不敗德薄而位尊知
小而謀大力小而任重則有折足之凶詩人憂其任
重而作此詩也詩前二章尚言塵以車起象乎自塵
之累薄也

小明

明：上天照臨下土我征徂西至于荒野二月初吉載
離寒暑心之憂矣其毒大苦念彼共人涕零如雨豈不
懷歸畏此罪罟昔我往矣日月方除曷云其還歲事云
暮念我獨兮我事孔庶心之憂矣憚我不暇念彼共人
瞻：懷顧豈不懷歸畏此譴怒昔我往矣日月方與曷
云其還政事愈感歲事云莫采蕭穫菽心之憂矣何始
伊戚念彼共人興言出宿豈不懷歸畏此反覆嗟爾君
子无怛安處靖共爾位正直是與神之聽之式穀以女
嗟爾君子无怛安息靖共爾位好是正直神之聽之介

爾景福

以小明為別于大雅之大明者說詩者強為此辭爾
詩之辭止曰明：上天無他旨也以天之明、安可
以小言哉詩以征役為怨者前三章之詞也後二章
皆以靖共正直為義而歸于神之聽佑豈非恃天道
之明乎始也以善道相之或若辱之以祿食卒章介
以大福矣人所監雖微善亦不少借矣在者位惟當
靖共其德雖不獲常于安處神明之所福者固大也

跋鯉

鼓鍾將、淮水揚、爰心且傷淑人君子懷允不忘鼓
鍾喑、淮水潛、爰心且悲淑人君子其德不回鼓鍾
伐馨淮有三洲爰心且如淑人君子其德不猶鼓鍾欽
欽鼓瑟鼓琴笙磬同音以雅以南以簫不僭

周都豐鎬當成周于洛、之去淮南為非遠而豐鎬
去淮遠甚幽王未嘗遷于洛邑也曷為以淮水為言
以鼓鍾名詩而琴瑟笙磬雅南皆備倘在洛邑亦不
應借淮為言以豐鎬之樂奏于淮水之上不亦異乎
聞樂而樂人之情也今為奏樂而每章以爰言不但

憂之而已且傷且悲是託淮水以為興也又疑幽王
或廵守至淮而奏樂故聞樂而憂之乃有是詩然傳
記無聞為幽王非廵守者也所以言淮者其造以四
清獨至海乎淮者濱之小者也其流甚促非若江河
之綿亘亦非若濟漢之迂回也詩人憂文武之業迹
至滅云故託淮以為興歎此姑存之以廣之通儒三
章皆言淑人君子而繼于憂傷之下是則淑人必周
之先王也不然則指宣王成康之君乎言其異于今
日也卒章如以南為憂樂則雅非憂音也如以雅為

萬舞則南為何事以雅為器如笙師掌應雅以教械
樂雖與簫同而南不可以為器竊意雅者曲雅也南
者二南也皆簫師之所掌簫之所敎者也故曰以簫
不借簫之所歌其二雅二南者乎三以字雖並言定
以簫而敎雅南尔攷之周禮可見也詩人明其嘉樂
之備先王以是原立國之本而用之祭祀賓客享食
者也鼓鍾名詩取樂器之大者以極于樂之正聲爰
文武之業將墜于地也前三章聞鼓鍾猶愛如此而
况于歌斷簫乎淮水中有洲則不得言揚、潛、吳

以洲能過絕淮流也

楚頌

楚、者次言抽其妹自昔何為我藝黍稷我黍稷、我
稷、我倉既盈我庾維億以為酒食以享以祀以妥
以侑以介景福濟、殄、絜爾牛羊以牲粢嘗或剝或
亨或肆或將祝祭于祈祀事孔明先祖是皇神保是享
孝雅有慶報以介福萬壽无疆執焚、為俎孔碩或
燔或炙君婦莫、為豆孔庶為賓為客獻酬交錯禮儀
卒度笑語卒獲神保是格報以介福萬壽攸酢我孔嫺

夫式札奠慙工祝數告徂賚孝孫苾芬孝祀神嗜飲食
卜爾百福如幾如式既齊既程既匡既勑永錫尔極時
萬時億禮儀既備鍾鼓既戒孝孫徂位工祝致告神其
醉止皇尸載起鼓鍾送尸神保聿歸諸宰君婦廢徹不
遲諸父兄弟備言燕私樂具入奏以綏後祿爾殷既將
莫忘其虔既醉既飽小大稽首神嗜飲食使君壽考孔
惠孔時維其盡之子、孫、勿替引之

楚茨信南山二三詩幾于大雅皆述文武成康之盛
隆大抵言周家興王之初自荆棘中芟治以成播種

之功積而至于禮儀之備神人之享公私无缺久長而不墜其始如此其盛如此王氏所謂楚茨之生乃是裁藝黍稷之地其于訓釋刺詩之旨可謂當矣然本是依倣序詩之辭為此義也就以為刺幽王則卒章所謂使君壽考猶可諉也子、孫、勿替引之乃是指見在之子孫期之以久長不得謂刺幽王明矣由此推之則詩之列于變雅者其果出于吾夫子之手而无錯簡之誤乎是未可知也信南山之詩大抵詩詞皆一時之事是以比而列之信南山則本于續

理楚茨則本于披荆棘胥原于農功來作之始以名
詩也晦翁謂此詩與信南山言宗廟南田大田言方
社大抵通謂有田祿者之祭耳

信南山

信彼南山維禹甸之昀、原隰曾孫田之叔疆我理南
東其畝上天同雲雨雪雰、益之以霡霂既優既渥既
霑既足生我百穀疆場翼翼、黍稷彧、曾孫之穡以爲
酒食畀我尸賓壽考萬年中田有廬疆場有瓜是剝是
殖獻之皇祖曾孫壽考受天之祜祭以清酒從以騂牡

享于祖考執其鴈刀以啟其匕取其血膋是燕是享苾
苾芬苾祀畢孔明先祖是皇報以介福萬壽无疆

詩人以南山名詩而原于大禹之初信其為終南也
其二章以雨雪同雲為韓山川出雲者也間之為治
猶尚貢甸服也王者建都之地也如以為丘甸則南
山非可向之地也自南山起義豈于原隰則西周之
地廣袤饒沃稼穡之盛王業所由興乎首章言原隰
疆理二章言雨雪霜是自是積之享祀受福自然之
理也凡詩言南山者多取其壽次三次六章之所期

平

甫田

俾彼甫田歲取十千我取其陳食我農人自古有年今
違南畝或耘或耔黍稷薿、攸介攸止烝我髦士以我
齊明與我犧耳以社以方我田既臧農夫之慶琴瑟擊
鼓以御田祖以祈甘雨以介我稷黍以穀我士女曾孫
來止以其婦子饁彼南畝田畯喜攘其左右膏其耜
耜耒易長畝終善且有曾孫不耋農夫克敏曾孫之稼
如茨如梁曾孫之庾如坻如京乃求千斯倉乃求萬斯

箱黍稷梁農夫之慶報以介福萬壽无疆

詩雖變小雅殆若成周成時成王之正小雅也特恐
作于幽王時耳鄭氏以甫為大井稅一夫甫之訓夫
未有前比若齊風之甫田則訓大是詩以大言可也
以其肆求之似若樂歲粒米狼戾多取之而不為虐
故繼言我取其陳所謂陳者若向之所以貸民者乎
或取之以為備以待凶年而食之也周家之經紀其
民者詳宜必有之此詩與信南山皆以首章二句起
義俾彼二字不可略也在檇模雲漢言俾彼雲漢雲

漢可以倬彼言也田畝安可以言倬乎毛于核櫟訓
大此乃訓明又何也取民之制必本其所出之計如
什一是也今止言歲取之數無所分別竊詳此詩專
是為民積粟非賦稅故皆以農夫為言曾孫晦翁以
傳注為成王為未必然引孔氏以為祖孫之遠稱今
詳此詩所謂曾孫即稱祖之言小子以祖考言之也
謂之成王詩意亦顯大田謂曾孫以婦子隄南畝可
證也以田畝之廣大言之所積千萬故言倬也十千
為萬、盈數也孟子曰多取之不為虐取之自我實

農人之積也首章二取不章二求皆併言之非為積
則橫歟矣田之減曰農人稻梁曰農夫未嘗以為公
家之物也故千倉萬箱如坻如京予以見田之俾而
自古之有年也攸介攸止似若重其辭介若介然獨
立者止若止于至善者是以俊髦出焉古者取士于
農、力穡以孝養士有常心故賢才衆多二章言祀
神根本之意三章專以曾孫為主君民相與之情
父兄之于其子弟此其勸相之意有以感
動其人故為農者不得而自已也卒章之稼與庾皆

歸之曾孫其所以致虔後歸之于農君民之心見矣

大田

大田多稼既種既戒既備乃事以我軍邦俶載而畝播
厥百穀既庭且碩曾孫是若既方既皂既堅既好不稂
不莠去其螟螣及其蟊賊無害我田稗田祖有神秉畀
炎火有殄萑、興雨祁、而我公田遂及我私彼有不
穫穡此有不斂穧彼有遺秉此有滯穗伊寡婦之利曾
孫來止以其婦子饁彼南畝田畯喜東方種祀以其
騂黑與其黍稷以享以祀以介景福

自楚次以來四詩皆言周家重農之事若文武成康
盛時之俗不應為函王發也以其次言之亦函王時
矣詩人因世之衰而歌詠其盛則亦有矣慨歎其不
可復見也二詩之名寔不相遠此而次之者抑以詩
人之旨遠相似歟此詩以田畝傳為名大而以多稼
言之卒章崇以曾孫為言畢首章曾孫是若之意觀
以婦子值南畝則不可謂之君王以曾孫不怒農夫
免歟則不可謂之民故皆多畷似若曾孫者詩人指
其家之老乎若酒誥純其藝黍稷用孝養父母之意

耶

瞻彼洛矣

瞻彼洛矣維水泂：君子至止福祿如茨棘矜有真以
作六師瞻彼洛矣維水泂：君子至止釋琇有珌君子
萬年保其家室瞻彼洛矣維水泂：君子至止福祿既
同君子萬年保其家邦

雍州之有洛水固也詩人所指非雍州之洛也何以
明之詩之名曰瞻彼洛矣是瞻望彼之洛非秦雍之
洛也小雅皆幽王以前之詩若平王東遷後之詩不

列之小雅也詩人見諸侯朝覲之禮沒廢思昔成王
作洛邑之初玉帛萬國如此其盛也又若宣王中興
會同有繹皆不可復見故作是詩歎

裳、者華

裳、者華其葉湑兮我親之子我心淵兮我心淵兮是
以有臺處兮裳、者華其黃矣我親之子維其有章
矣維其有章矣是以有慶矣裳、者華或黃我白我親
之子秉其四駟秉其四駟六轡沃若左之左之君子宜
之右之右之君子有之維其有之是以似之

詳味是詩之首珠不可知似若言人望所歸之賢者
出為時用如謝安之在晉者也首章言其隱故曰處
次言其出卒章言其大用似之如立其嗣子之意如
成王命魯公是也不必其肖似也是詩元所刺作于
幽王之時爾訓詁依序之大遂謂之子指古明王恐
他无此例之子上指下之辭豈有指古之明王為之
子而有我親之詞決不然也裳者華謂華之盛而
葉之稱之也其後亦是美其文之盛耳有章猶坤之
含章也或是思古之賢臣若此也兼其四駘別詠其

車馬也

桑扈

交：桑扈有鶯其羽君子樂胥受天之祜交：桑扈有鶯其領君子樂胥萬邦之屏之屏之翰百辟為憲不戢不難受福不邦毗觥其觶旨酒思柔彼交匪敖萬福來求

序者不知詩言強為之辨不待辨而明也止以有鶯其領為文爾按小宛交、桑扈率場咏采之詩其為禽之微小顯然以小禽而興諸侯之蕃屏也四章皆

以禍祉終之所以為利害可知也似若諸侯力小而
任重故示其可戒而以罰旣終之桑扈竊脂之趣、
之至下者也猶介饗也豈有項領之類于鶩乎其文
采亦微也乃為人君之所樂而受天之祐任為邦屏
翰之貴三章言屏翰之重如不斂戢不畏難則所受
之福亦不多矣四章所以寃竊脂之喻兕觥示罰也
豈以酒之旨而思所以為和柔乎如不以所交者為
恃而長其傲慢則禍將求而歸之矣以末章之交言
之則交、未必為禽之音其上交誼而下交噴者耶

鴛鴦

鴛鴦于飛畢之羅之君子萬年福祿宜之鴛鴦在梁戩
其左翼君子萬年宜其遐福永焉在廐推之林之君子
萬年福祿父之乘焉在廐林之推之君子萬年福祿綏
之

鴛鴦之為匹為人、之所知也物之為偶而不可解
者鴛鴦也以此名詩比興安在乎其作于函王之世
則必以中后也函王之熙中后廢宜曰治亂之所由
以分也以詩詞推之首章之畢羅謂始聘也宣王之

世中侯有功于國松高所咏是以幽王娶之宜與國
匹休矣二章謂侯所以捕魚非以張禽而鴛鴦在焉
已為失地况于哉其其乎哉翼猶可凡言左者皆不
用者也謂申后之所由廢也廢而居申哉翼矣白華
亦言鴛鴦在梁哉其左翼之子元良三二其德序所
謂褒后也此詩之旨可見也秉馬之典鴛鴦非以其
類在廐則不秉權之袞之所宜服秉以逆后于申也
四章皆極言禍福者謂官室之正萬福來同反此皆
禍亂之本也斯所以為詩人之旨歟杜甫謂使君自

有婦英學野駕奮其知此詩者也

頌升

有頌者升寔維伊何爾酒既旨爾敬既嘉豈伊其人兄
弟匪他爲與女蘿施于松柏未見君子憂心奕々既見
君子庶几說懌有頌者升寔維何期爾酒既旨爾敬既
時豈伊其人兄弟共來爲與女蘿施于松上未見君子
憂心恟々既見君子庶幾有臧有頌者升寔維在首尔
酒既旨爾敬既阜豈伊其人兄弟甥舅如彼雨雪先集
維霰死喪元日無几相見無期今夕君子維宴

自楚坎以下諸詩皆作于幽王之末喪亂將及而詩
詞皆歎咏其美焉非若他詩之憂之切何也詩人知
其不可返也幽王荒暴以言為罪矣此詩卒章生曰
死喪兄日元兄相見將非大戒已破鎬京周之宗族
親戚莫有脫者乎首章謂頭弁為伊何二章謂何期
將不將而冠此弁矣三章皆言酒肴之盛恐兄弟甥
舅不將而有此樂也樂酒今夕不可將而繼也既見
未見雖詩人之常言玩其辭似虜辱于犬戎者為此
不言憂而自見者也

車

問閨車之章兮思垂委女逝兮匪飢匪渴德音未枯雖
無好及式燕且喜依依彼平林有集維鵲辰彼碩女今德
來教式燕且喜好爾无射雖無旨酒式飲庶幾雖无嘉
穀式食庶幾雖无德典女式歌且舞涉彼高岡析其柞
新析其柞析其葉滑兮鮮我覲尔我心焉兮高山仰止
景行：止四牡馳、亦譬如琴瑟尔新昏以懌我心
方函王暨褒姒而黜申后也以正嫡而不見容詩人
豈有所賢女之思如閨閨之盛哉序之失既遠諸儒

皆宗之何也此詩似是申后見黜而往申詩人思而
復之而作是詩也問閼之婢申后之出也好友似指
褒申后有容德亦足以燕喜也二章承上而言三章
皆以底幾為言真其然也四章析薪之喻謂褒妣間
其夫婦之好也薪已析而棄尚渚也詩人思得一見
后之復還也卒章若申后之歸于申其行固無嫌也
四章以一親為鮮卒章言欲王之親其初昏以衛邦
人也以其事驗之則詩詞可通

青煙

營、青蝇止于樊豈弟君子無信諛言營、青蝇止于
棘諛人罔極交亂四國營、青蝇止于棘諛人罔極構
我二人

齊雞鳴曰匪雞則鳴蒼蝇之聲古謂青蝇不能污白
絲近世歐公有憎蒼蝇賦皆穢之害物也詩王章以
樊棘為其所止之地言忠于荆棘非防閑所能蔽止
也

賓之初筵

賓之初筵左右秩、遵且有楚敷核維旅酒既和旨飲

酒孔脩鍾鼓既設舉疇逸、大侯既抗弓矢斯張射夫
既同獻爾發功發彼有的以祈爾爵審舞笙鼓樂既和
奏然衍烈祖以洽百禮百禮既畢有士有林錫爾純嘏
子孫其湛其湛曰樂各奏爾能賓載于仇室人入又酌
彼康爵以奏爾時賓之初筵溫、其恭其未醉止威儀
及、曰既醉止威儀懣、舍其坐迂屢舞仙、其未醉
止威儀抑、曰既醉止威儀忼、是曰既醉不知其秩
宥既醉止載號載呶亂我邊豆屢舞傲、是曰既醉不
知其節側升之俄屢舞僂、既醉而出並受其福醉而

不出是謂伐德飲酒孔嘉維其令儀凡此飲酒或醉或
否既立之監或佐之史彼醉不臧不醉反耻或勿從謂
無俾大怠願言勿言匪由勿語由醉之言俾出童孺三
爵不識矧敢多又

說是詩者皆若刺幽王雖不明言利王寔看幽王之
沉酗以詩詞玩之似是一時化于其上以飲為俗若
周公之戒康叔以商俗之染紉者也其詩皆臣民交
際之風非君臣廢放之事也詩凡五章前二章言禮
飲首章言射二章言樂此賢者以酒接之文三章再

以詩名別之則言醉矣言醉則異于前二章之禮飲
失一入于醉則不復可以禮責矣醉則亂情則迂矣
三章卒曰不知其秩承首章之左右秩也四章言
伐德則已甚矣詩之大旨謂其初未有不善浸至于
亂不可以初言矣卒章乃以正理斷之立監佐史丹
三告戒童殺之喻雖若理之所允亦強言尔本不通
暢也殺之與貶皆羊也羊无牝牡皆有角與羴也童
殺則今之綿羊也均為羊本无角而欲使出其角无
此理也四五兩章皆以兩言析表之此所以為武公

之詩也已按武公以周宣王之四十二年衛世子共伯餘死而立備康叔之政才五六年而匡王即位及十有一年犬戎滅周武公將兵佐周甚有功為平王王公年九十有五歲傲于國曰自卿以下至于師長士苟在朝者元謂我老耄而舍我必格恭于朝以交戒我在與有族貴之規位中有官師之典倚几有誦訓之謀居處有褻御之箴臨事有替史之導宴居有師工之誦史不失書瞽不失誦于是作抑戒違刺厲王以自儆衛人謂之虺堂武公寔非幽王三公果出

于武公而亦追刺也殆是當時化于幽王之習其風
猶在序所謂刺時者矣檀弓言晉平公飲酒師曠李
調侍杜蒍聞鍾聲酌而飲其君臣斯揚解謂之杜舉
蓋後此二百年其事可書猶若此武公之追刺可知
也其刺時也者亦與酒誥同意乎

魚藻

魚在、藻有頌其首王在、醵豈樂飲酒魚在、藻有
華其尾王在、醵飲酒樂豈魚在、藻依于其蒲王在
在醵有邠其居

詩人以在藻之魚喻王者之宅都何其略也非躍淵之魚矣蘋藻生于澗溪沼沚之中非江湖之所生也詩人以蘋藻言其潔則有矣豈所以喻京師衆大之區哉三章皆以在藻發語微乎微者也惜曰不然以魚而依蒲、水畔之草也則為涸轍之鮒矣鑄京周興主之地也大雅文王有殷言宅鎬之事如此其大此詩止言樂飲酒是足以繼文武之業乎故卒之曰有耶其居備耶有此居乎知其不能保有此都也

采芣

采芣采芣筐之筥之君子來朝何錫予之雖無予之路
車乘馬又何予之玄衮及黼臧穉穉來言采其芹君子
來朝言觀其旂其旂淠淠、鸛聲嘒嘒、載駟載駟君子所
屆亦蒂在股邪幅在下彼交匪舒天子所予樂只君子
天子命之樂只君子福祿申之雖祚之枝其葉遒遒、樂
只君子殷天子之邦樂只君子萬福攸同平、左右亦
是率從汎汎、揚舟歸懷雖之樂只君子天子侯之樂只
君子福祿膺之優哉游哉亦是戾矣

名詩之旨似與待諸侯不近似序以錫予見于詩緯

遂稽函王舉燧之失以爲訓尔歌咏先王之舊以律
後世可也但詩人之詞各有旨然首章采葑之以重
宮者詩之本旨也以采葑而納之筐宮者天子維持
諸侯而統屬之也先王之屬諸侯德而已尔德之不
足而以物爲固已末矣詩人謂先王錫爵之常典也
二章諸侯之朝王也檻泉以下出爲義并以紫言三
章君臣交際之情四章屏翰之勢五章俱無以繁諸
侯之心將有不屬之慮期以久遠而使之自安戾定
也

角弓

驛：角弓翻其反矣兄弟昏姻兄弟遠矣爾之遠矣民
胥然矣爾之放矣民胥傲矣此令兄弟睽、有裕不令
兄弟交相為瘡民之無良相怨一方受虧不讓至于已
斯亡老馬反為駒不顧其後如食宜餒如酌乳取母教
孫升木如塗：附君子有微猷小人與厲雨雪濇、見
曉曰消莫肯下遺式居要驕雨雪得、見曉曰流如塗
如髦我是用爰

是詩亦庶幾正小雅常棣之旨而常棣之義精矣以

角弓為喻可謂至切辭以同人尚亦能用辭為義者
也弓者用則張之无事不用則弛、則必反其反也
翻然不反則无以養其張之、力難及也同体同在
未嘗遠也言兄弟同氣豈能常順而不及乎此當以
周公常棣之旨求之二章則為君人者言也幽王之
兄弟其可詳其指平王之于伯服乎三章言其凡也
四章亡字之音多不暢此由怨字起義也當其怨也
各執其一方之義若可信也至受將不讓而在己之
義亡之矣五六兩章各以物起義、皆直達似看而

喻天倫像喻人愁馬言侮老成如呂成公之言亦可
通但舍以兩如字貫上而言食宜使老者饁之酌宜
使老者取之謂一家之內當知敬長也孫之便捷豈
人可及又教以習之如塗之附著而不脫君子當以
善道使小人化之此以數字起義也七章以兩室喻
其在上為長者也如雨雪之集其寒已涇雖未嘗見
義理之正而終不肯違其下而所居常嬌亢也八章
以兩室喻其在下為幼少者也亦未嘗見義理之正
但流于惡尔如蚤如鼯不可以中國之人望之也何

古聖賢凡畔于義理者皆以夷狄待之舜禹之法也

莞桡

有莞者柳不尚息焉上帝甚蹈无自媚焉俾于靖之後
于桡焉有莞者桡不尚惕焉上帝甚蹈無自瘝焉俾于
靖之後于遁焉有雋高飛亦傳于天彼人之心于何其
踈曷于靖之居以出矜

以訓詰言之亦似可通但終是意宜而不暢若不廐
焉以婢求當詠味以求其旨可也桡之茂鬱其當夏
時于春方秀發秋已凋落惟炎歊之時惟桡為茂昔

然者皆思息焉上天其欲行其福善禍淫之道為
諸侯者毋但息陰以自睡而至于自病也俾于靖之
將使戒安靜其民後來繼我者必有極其所能至者
為以幽王暴虐无懷政之望也卒章謂為之高飛亦
可以附于天也傳天非戾天也為之力微豈足以戾
天哉其意常無極也彼人之指出王信矣豈有所至
極哉易于靖之應前二章俾于靖之也言何不求所
以安靜其民而但以幽矜居之乎矜與鯀寡之鯀常
通用何卑不黃曰何人不矜鄭曰從役過時不得矜

謂之矜孔曰矜與諫同詳詩之音其殆以湯武之業
望諸侯耶

都人士

彼都人士狐裘黃、其容不改出言有章行歸于周萬
民所望彼都人士臺笠緇撮彼君子女綢直如髮我不
見兮我心不說彼都人士充耳琇瑋彼君子女謂之尹
吉我不見兮我心苑結彼都人士黼黻而厲彼君子女
奉鬢如蠶我不見兮言從之遠匪伊綏之帶則有餘匪
伊奉之楚則有珣我不見兮云何時矣

是詩之難通者彼君子女之一詞也詩以士名詩肆
以女何哉女不以女之服飾言則非實指女也詩之
五章皆士之服也詩之前四章皆以彼都人士發語
凡詩以彼此言者皆詩人要旨也彼都者其指洛邑
乎鎬京乎在幽王之前則皆鎬京焉都似若指前代
文武之都有斯士也首章黃中之色有容有言其婦
周也萬民仰之非指文武盛時而何士之出為世用
者也二三四皆言彼君子女其下皆曰我不見兮則
隱居不仕者也若張籍詩何不相逢來嫁時此君子

女之意也是以皆曰我不見兮隱而不出非若萬民之望也是以服臺笠爲坊寔出帶不必皆已仕之服乎三章以髮言則不弁矣言不悅花繡從之適云何時皆非繫民之望也合而思之其以隱德爲人所屬心之勤也明矣但與序相連世莫謂之然爾

采綠

終朝采綠不盈一斛于髮曲徇薄言歸休終朝采藍不盈一擔五日爲期六日不屑之子于狩言報其弓之子于釣言綸之繩其釣維何維魴及鯢維魴及鯢薄言觀

者

是詩有思其夫之情而非怨曠也似若當時從于田
狩而室家望之、情首章薄言歸休李氏曰亦苟而
已爾為詩其旨二章踰期而不歸也四章承三章狩
釣二事以釣喻狩則不可見釣則見之矣故亦曰薄
言雖見之不能使之安其家也

黍苗

芄：黍苗陰雨膏之悠、南行召伯勞之我任我輦我
車我牛我行既集蓋云歸哉我徒我御我師我旅我行

既集蓋云崑崙、謝功召伯營之烈、伍師召伯成
之原隍既平泉流既清召伯有成王心則寧

召穆公召康公世為輔相康王之初召公為大保率
西方諸侯入應門左則猶分陝也是宣王之初召公
猶居相位今據說者謂其營中伯之功及依崧高詩
肆立中伯之宅其于詩人之肆未詳其果為中伯也
亦不詳其果為平淮夷也如肆崧高謝為中伯之邑
以范史南陽謝城為據則不應為他人是中伯並見
于大小雅之詩亦未有他例也崧高備言其功此詩

但言行使申伯之名不列焉其附于崧高之次聖人
以其諱義利乎二雅乎召公任諸侯之責是詩之名
與諱皆為召公發其所美者任召公而已耶故沒申
伯之功而歌召公之舉其賤焉

陞桑

陞桑有阿其葉有難既見君子其樂如何陞桑有阿其
葉有沃既見君子云何不樂陞桑有阿其葉有函既見
君子德音孔膠心乎愛矣遐不謂矣中心藏之何日忘
之

說是詩者以思賢為義辭亦頗通但思見賢才易為
以桑為興若有所思是後世樂府秋胡之節也以三
章之葉色為辭則桑亦老矣退不謂矣謂遠不可以
言遠也故思之而不忘焉

白華

白華菅兮白茅束兮之子之遠俾我獨兮英、白雲露
彼菅茅天步艱難之子不獨漚池北流浸彼稻田嘯歌
傷懷念彼碩人想彼桑薪即烘于煖離彼碩人寔勞我
心鼓鍾于宮鼓鼗于外念子懌懌、視我邁邁、有鶩在梁

有鵲在林維彼碩人寔勞我心鴛鴦在梁戢其左翼之
子無良二三其德有扁斯石履之卑兮之子之遠俾我
疚兮

逸詩以白華爲君子之潔白召南以白茅包采喻貞
女合是二者喻中后正嫡之賢也天步艱難使中后
不得其道首二章直張所得與我三四章雖以碩大
爲言亦中后也猶文王有教之宮皇王也泥池之浸
浸潤之指也其始傷之而已至焦烘則熏灼之矣是
所以勞心也鍾聲外聞無微不達也言宮禁之事人

所具聞也。惟、言褒姒攻之急也。我則遁、將歸于
申也。六章篇以喻褒姒貪慾在渠求魚者也。鵠之喻
中后之飛翔出于樊籠者也。七章篇鴛鴦之飛左翼與
鴛鴦之詩同。昔喻中后之失位之于其德。謂幽王之
兄廢也。有石之喻其積毀銷金積譴磨骨乎。復有石
豈能使石之卑哉。漸靡使之然也。之子之遠似指中
后王后不嫌同諱。中后遠居于申。俾我國之病也。王
之與后其諱或同。可以意逆也。此詩作于中后兄廢
之餘。未害其為賢后也。且中后召犬戎與之亡周。申

為叛國后為逆后藉使不與聞乎故宋周見賊申侯
之以是申后無表似之惡罪得于表似多矣况又廢
携王而立宜回及犬戎之強宜回達國人戊申謂非
與聞乎故不可也

綿蚩

綿蚩黃鳥止于丘阿道之云遠我旁如何飲之食之教
之悔之命彼後車謂之載之綿蚩黃鳥止于丘隅豈敢
憚行畏不能趨飲之食之教之悔之命彼後車謂之載
之綿蚩黃鳥止于丘側豈敢憚行畏不能趨飲之食之

教之誨之命彼後車謂之載之

詩之名黃鳥有二秦風小雅也是詩之名歸黃鳥黃
鳥也秦風言止小雅言集亦止也義少異爾是詩
聖人詳言于大學且曰於止知其所以止可以人而不
如鳥乎義如此其大也自詩序以飲食放誨為說儒
者徇其說曾不致思詩人之言失之愈遠况大學之
理乎以其辭之至近而遺其旨之至遠序誤之也且
羽屬之止集于木理之通也羽屬而止于土豈理乎
丘土也此大學之理也聖人述而詳之諸儒既略之

矣詩之辭曰道之云遠我勞如何二三曰豈敢憚行
既曰止矣易又行我以止舊行如良之豕者非詩之
法也竊詳是詩必作于幽王之不平王之初將避戎
于洛邑迂其臣民以促之臣民怨而刺之者也蓋邦
畿千里維民所止今王元定都使其民依々然如朋
屬之止于丘猶燕巢于林木之意大戎殘破荆棘生
焉但當止于丘無木無楚不知其所止也故皆怨于
行為上者又迫逐之教誨之車載之舍皇休迫其情
自若綿素者殺之嗟離也几于怨故以君病以是言

之辭皆通

飢菜

飢：飢菜米之亨之君子有酒酌言嘗之有尤斯首炮
之燔之君子有酒酌言獻之有尤斯首燔之炙之君子
有酒酌言酢之有尤斯首燔之饔之君子有酒酌言時
之

詩止四章首章以飢菜為先名詩之本也以飢菜加
于尤其所重者可知也後三章有尤矣獻酢時三爵
之禮行矣尤嘗而後及賓敬賓尤嘗以飢菜賓以尤

與茅容同意郭林宗知其為賢者也振策其敝并荐
孫之意乎此詩作于幽王之世抑天下凋弊猶唐末
見醉人為瑞者乎不用姓字饗饌之語何自而發耶

漸、之石

漸：之石維其高矣山川悠遠維其勞矣武人東征不
皇朝矣漸：之石維其平矣山川悠遠曷其沒矣武人
東征不皇出矣有豕白蹄燕涉波矣月離于畢俾滂沱
矣武人東征不皇他矣

幽王之時不聞夷狄之梗宣王征伐之後餘威未泯

也自此以下三詩皆刺兵役繁興民不能堪詩人先
虛語傳記遺略止書其失信諸侯以褒姒傾長耶是
詩言山川悠遠未知其果為荆舒乎凡詩言東征者
皆自鎬而書豈鎬在西故也周公居東亦言東征豈
指岷函間耶若荆舒在南詩綽不應言東也俘虜炮
矣豈水際將降悞不能歸乎以東征為不皇則函王
亟于征討如此其嚴自古禍亂之興未有不由兵革
以促之者故莒之華序有周室將亡之綽

莒之華

若之華其黃矣心之憂矣維其傷矣若之華其葉青
青知我如此不如先生將年頃首三星在鬢人可以食
鮮可以飽

是詩之旨漫不可知詩詞所憂甚切託興又莫知其
約是以序者多為之義曰戎夷曰喪亡師旅飢饉皆
備言之庶幾一中焉其空圖自若也克嘗見山年居
山者食草根居食者食草子雖至瑣細者不遺焉乃
知詩人取興于舊、不寔者也惟華而已以是名詩
以是起義不可得而食也又聞舊初生時華始孕略

可咀嚼微甘此謂鮮可以飽者乎亦名詩之意也豈
大戎殘破之後所見荒蕪而動心于蒼葦之華此所
以憂而至于傷也此所謂不如先生也鮮羊食草以
以生野无青草羊之首反大于身魚梁之上不得有
魚惟見三星皆言其凶荒窮苦之態是以每言必深
切以是推之則何草不黃未必遠征所見柳衰亂之
後所見皆草萊耶藉曰幽王時不長亂戎兵革繁興
之後耶

鄭以心為三星凡言三星者多指心也當黃草之

詩心已沒矣。華青之時，心尚未見也。參亦三星甚微。秋晚始見，與參同見者，皆亦有專取其中之三大星者。黃華與青之時，皆見焉。此其作詩之旨乎。

何華不黃

何華不黃，何日不行。何人不將，經營四方。何華不玄，何人不矜。哀我征夫，獨為匪民。匪兇匪虎，率彼曠野。哀我征夫，朝夕不暇。有芻者狐，率彼幽草。有棧之車，行彼周道。

以詩名求之若沙漠之地不然則征伐之地目之所
覩曠野渺漫之場乎當黃羊之時所行役之始終歲
疲于征役者也故曰何日不行其煩于師旅矣二章
言其民之怨不增為民人也先言黃羊言玄亦與舊
之青、同義黃羊之羊未嘗不再索我独不見矜也
三章謂起師無名非有兕虎違野而為害也乃使我
朝夕不少暇謂不怠之師也依妖物也又在凶羊之
中言敵情難測也亦小醜尔不足為國患當使伯伏
于草中而我之車日遵道以行豈從狐于凶羊之中

我年章多詩人本首豈思周之或時棧車滿道今祇
滿車中耶傳記以幽王失信于諸侯而有犬戎隳山
之禍以詩攷之似不盡然幽王以褒姒易嫡庶之位
此固歎禍之本詩人所刺者其事皆喪亡之兆非一
犬戎之罪也刺詩之最大者鄣南山之十詩十月之
交皇父卿士之下七人以名與戕害其曰皇父者首
是七人也曰姒要方處則褒姒之交亂內外可知其
次則諄恧弘多羣陰在位朝政不綱怨讟並起天災
猶不必言自鄣南山以下則政刑既失風俗大興禮

儀宣廢征伐繁興是驍山之禍積累已久豈特係一婦人之忌乎聖人編詩以爲萬世大戒幽王之變雅合小大雅凡四十有六詩幽王在位僅踰十年而怨刺如此蓋古之所未有其遭禍之酷亦自古所无然則非爲不韋審矣自厲王時楊之詩已有枝葉未有害本寃先撥之辭共和未久而宣王之暴政不終幽王物忠之易致禍之酷固宜爾也又何足怪然變小雅之次序似不特以先後爲斷如正月所謂赫赫朱周棄以城之必在携王之世或平王時也幽王在位

決无此語矣。画王非止，但荒于女色，舉烽不應遂立
于亡如漸：之石之言，東征何早不黃之言，征夫北
山，小明之言，勞役画王，豈荒于色，致禍若此，其易哉。
大要是朝廷不正，君子放身而小人在位，積惡燎原
而已。詳攷變雅之詩，詞自可見。况變雅之中，其舉平
治之事，以利時者，固多有之。若甫田、大田、采芣、華
桑、采芣、彼洛矣、楚茨、鴛鴦、飲意、深微、誠詩人之旨，若
黍苗、陸桑、狐、葉似、正小雅者，以成時之事，需怨刺者
之旨，亦可也。序詩者，舉以利而一之，然其平易簡直

之音自不可掩或正小雅之錯簡也歟抑雅之正變
繁乎時而非詩乎

詩說卷第九